



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌԻՄ

Ս/թ. ապրիլի 15-ին, շաբաթ օրը, երեկոյան ժամերգությունից հետո, ս. Գայանէ վանքի տաճարում քահանայական ձեռնադրության կոչման կարգ է կատարվում վրահայոց թեմի առաջնորդ տ. Գևորգ եպիսկոպոս Սերայդարյանի ձեռամբ:

Հոգևոր ճեմարանը տարբեր տիրաներում ավարտած Մովսես սարկավազ Դազարյանը, Անաստաս սարկավազ Մովսիսյանը և Միսակ սարկավազ Մարգարյանը քահանա ձեռնադրվեցին ըստ Ձեռնադրության Մաշտոցի:

Հնչում է «Նայեաց ի մեզ» շարականը: Եկեղեցու ավանդատներից դեպի Մայր խորան են առաջանում ձեռնադրող սրբազանըն ու նորընծաները:

Խարտապիլակի պաշտոնը կատարում է տ. Մովսիս վրդ. Մարգարյանը:

Ծաբաթ օրը, քահանայական կոչման պահին, նորընծաները հանձն են առնում «ամենայն պատրաստակամությամբ և առանց ձանձրանալու կալ ի պաշտօնն Աստուծոյ, և ոչ խափանել զգործն Աստուծոյ վասն մարմնատր գործոյ»:

Ապա տեղի է ունենում Հայաստանյայց եկեղեցու ուղղափառ դավանության հրապարակային խոստովանություն նորընծաների կողմից. «Ունիմք զդաւանութիւն ուղղափառ հաւատոյ... ընդ սուրբ հայրապետսրն...»:

Կիրակի օրը, նախքան ձեռնադրությունը, նորընծաները Մայր տաճարի Իջման ս. սեղանի առջև կարդում են իրենց գրավոր ուխտագրերը և երդվում ցկյանս ծառայելու հայ եկեղեցուն և հայ ժողովրդին:

Ապրիլի 16-ին, կիրակի.—Կարմիր կիրակի. Ժամը 11-ին Էջմիածին քաղաքի հիւնավորաց տաճարներից մեկում, նույնքան սրբաբույր ս. Գայանէ վանքում, տ. Գևորգ եպիսկոպոս Սերայդարյանը մատուցում է ս. պատարագ:

«Ձի ողորմած և մարդասէր ես Աստուած» մատթանքից անմիջապես հետո հընչում է «Այսօր Աստուածոյ թիւնն զուարճանայ» հոգեթով շարականը և՛ մկսվում է Ձեռնադրության կարգը:

Սուրբ Գայանէ եկեղեցու կամարների տակ լավում է «Աստուածային և երկնատր շնորհ» շարականը: Նորընծաները եկեղեցու Սեղանի վրա դառնում են դեպի ժողովուրդը՝ վերամբարձ ձեռքերով, ի նշան իրենց՝ աշխարհից հրաժարման: Հուսկ ուրեմն, երբ դառնում են դեպի խորանը, ձեռնադրող սրբազանը ձեռքերը խաչածն դնում է յուրաքանչյուր նորընծայի գլխին և ասում. «Ես դնեմ զձեռս ի վերս սորս և դուք ամենեքեան աղօթս արարէք, զի արժանի լիցի սա զաստիճան քահանայութեան...»:

Ապա շարունակվում է ս. պատարագը մինչև «Ողջոյն տուք միմեանս» սարկա-



Մի պահ բաժանարարական նեոնադրությունից

վագաց քարոզը: Եպիսկոպոսի օրհնությանը և աղոթքով նորընծաները ստանում են փիլոն և պատարագչի զգեստներ:

Հոգևոր վերացման սրբազան պահին է հասնում ձեռնադրության այս խորհուրդը, երբ քահանայական լրիվ զգեստներ հագած նորընծաների ճակատներն ու ձեռքերը սրբազանը օծույ է սրբալույս մեռոնով ու որպես մկրտության ավագանից հանված նանկան՝ նոր անուններ շնորհում նրանց: Մովսես սարկավագ Ղազարյանը պահում է իր ավագանի անունը՝ տեղ Մովսես քահանա, Անաստաս սարկավագ Մովսիսյանը վերանվանվում է տեղ Աթանաս քահանա, և Միսակ սարկավագ Մարգարյանը՝ տեղ Մանուկ քահանա:

Ավարտվում է օծման խորհրդավոր պահը. շնորհաբաշխության առթիվ ձեռնադրող սրբազան հայրը կատարում է իր բարեմաղթությունները նորընծաների ավագագործունեության հաջողության համար և ցանկանում, որ նրանք լինեն անխոնջ մշակներ հայ եկեղեցու ծառայության մեջ:

Հավարտ ս. պատարագի նորընծա քահանաները ձեռնադրող սրբազանի ուղեկցությամբ ներկայանում են Ամենայն Հայոց Վեհափառ Հայրապետին ու ստանում Նրա հուրական մշտաբաշխ օրհնությունը:

Նորընծա քահանաները իրենց քահանայական քառասունքը կանցկացնեն Մայր Աթոռում, Մայր տաճարի լուսարարապետ տ. Հուսիկ եպիսկոպոս Սանթրուրյանի հոգևոր վարժության ներքո:

ՏԵՐ ՄՈՎՍԵՍ ԲԷՆ. ՂԱԶԱՐՅԱՆ

Ծնվել է 1926 թվականին Մուսա Լեռան (Սիրիա) Քեպուսիե գյուղում, որտեղ և ստանում է իր նախնական կրթությունը: 1939-ին ծնողների հետ տեղափոխվում է Լիբանան, ուր աշխատում է «Ջարթոնք» թերթի խմբագրությունում:

1944-ին ընդունվում է Երուսաղեմի հայոց վանքի Ժառանգավորաց վարժարան ու 1947-ին ավարտում այն: Նույն թվականի ամռանը ներգաղթում է մայր հայրենիք և ընդունվում ս. Էջմիածնի հոգևոր ճեմարան, որի ընթացքը ավարտում է 1951-ին: 1950-ին ձեռնադրվում է սարկավագ:

1958-ից մինչև 1978 թվականի սկզբները աշխատել է Երևանի պետական բանկի Ծախմամյանի շրջանի քաժամամուքում որպես երեկոյան դրամարկղի վարիչ-գանձապահ: Միևնույն ժամանակ Երևանի մի շարք միջնակարգ դպրոցներում դասավանդել է անգլերեն լեզու:

ՏԵՐ ԱԹԱՆԱՍ ԲԷՆ. ՄՈՎՍԻՍՅԱՆ

Ավագանի անունով՝ Անաստաս: Ծնվել է 1937 թվականի դեկտեմբերի 18-ին Ազիզբեկովի շրջանի Բարձրուն գյուղում: Նախնական կրթությունը ստացել է տեղի յոթնամյա դպրոցում, ապա ուսումը շարունակել Արտաշատի շրջանի Բաղրամյան գյուղի դպրոցում:

1955-ին ընդունվել է ս. Էջմիածնի հոգևոր ճեմարան, որն ավարտել է 1961-ին ու նույն տարին էլ ձեռնադրվել սարկավագ: 1963 թվականին ընդունվել է Երևանի պետական համալսարանի բանասիրական ֆակուլտետ և ավարտել այն 1968-ին:

1968-ից աշխատել է Երևանի պետական կենտրոնական արխիվում, 1969-ին՝ «Հատուկ դպրոց»-ում՝ որպես դաստիարակ, 1972-ին՝ ուղղիչ աշխատանքային-դաստիարակչական գաղութում՝ մեթոդիստ: Նա միաժամանակ հեռակայել է Երևանի Խաչատուր Աբովյանի անվան մանկավարժական ինստիտուտում որպես ասպիրանտ:

1976-ի նոյեմբերի 10-ից առ այսօր աշխատում է «Էջմիածին» ամսագրի խմբագրությունում որպես քարտուղար:

ՏԵՐ ՄԱՆՈՒԿ ԲԷՆ. ՄԱՐԳԱՐՅԱՆ

Ավագանի անունով՝ Միսակ: Ծնվել է Էջմիածին քաղաքում 1955 թվականի փետրվարի 7-ին: Ծնողները ներգաղթել են Պաղեստինից 1947-ին: 1961—1968 թվականներին սովորել է Էջմիածնի Խաչատուր Աբովյանի անվան միջնակարգ դպրոցում: 1969-ին ընդունվել է ս. Էջմիածնի հոգևոր ճեմարան և ավարտել 1976-ին: Սարկավագ է ձեռնադրվել ճեմարանն ավարտելուց հետո, երկու տարի աշխատել է որպես վերակացու հոգևոր ճեմարանում:

«Էջմիածին» ամսագրի խմբագրությունը շնորհավորում է նորընծա քահանաներին և բարեմաղթում, որ նրանք իրենց հոգևոր և մտավոր պատրաստվածությամբ լինեն «մշակք առանց ամօթոյ» հայ եկեղեցու ծառայության սրբազան դաշտում և իրենց կյանքն ու կարողությունները նվիրաբերեն մեր ժողովրդի հոգևոր սպասին, օրինակ հանդիսանալով իրենց «խոսքով, վարմունքով, սիրով, հավատով և սրբությամբ... հավատացյալներին» (Ա. Տիմ. Դ 11—12):